



2015-imut Nunatta Karsiata naatsorsuutaasa akuersissutigineqarnissaannik siunnersuut

(Aningaasaqarnermut Nunamullu Namminermt Naalakkersuisoq)

Nunatta karsiani ingerlatsinermt sanaartormermt 137 mio. kr sinneqartoortilik saqqummiunneqarpoq.

Siullermillu Inuit Ataqatigiinniik nuannaarutigalugu maluginiarparput 2009-miik aalisarnikkut naleqarnerulersitsinissamik suliaqarsimaneq ullumikkumut sunniuteqarluartumik sulii ingerlammat, soorunami sulii nunatta iluani aalisarnikkut kaaviaartitat amerlanerusinnaasut aammalu avammut tunisatigut naleqarnerulersitsinissaq peqatigiilluni suleqatigiinnikkut anguneqarsinnaasut ineriartorteqqinneqarsinnaasullu. Aalisarnerummi iluani naleqarnerulersitsineq kaaviiartitsisinnaanerulersinnaanerlu annertunerulersinneqarsinnaammat.

Qalerallit akitsuutaat 20 million kr-nut missingiussaq 10-millio kr-nit tungaannut pissarsiaqarfiulluarpoq, naak qalerallitassissut amerlasuut pisarinqanngitsooraluartut. Tamanna mianersortumik missingiinertut taaneqarusussasoq, taamaattoq missingiineq taamungaannangaarpaluttut isigisariaqarpoq.

Raajanillu pissarsissutaasut 2013-mut naleqqiullugit 50 million kr-nik isertitsissutaanerunerat pisisartunut naleqqussarnerup kingunerissaarutigigaa maluginianngitsoorneqarsinnaanngilaq soorunami pisassiissutit qaffariaateqarnerattaq ilanngullugu.

Ukiuni makkunani silap pissusaata nikerarnera naatsorsoruminaattoq aammattaq sunniuteqarluartoq 2015-mi kukkunerisuiusut eqqaavaat. Silap nillernerujussua nukissiutinik uuliamillu atuilluarsimanermik kinguneqarsimavoq, taamaalilluni selskabeni taakkuninnga suliaqartuusunit aningaasatigut pissarsissutaalluarsimasoq. Silaannaallu ukiuni kingullerni nikerarnerujussua eqqaallattaartuagassaasoq aningaasanut inatsisiliornermittaaq eqqumaffigilluartariaqarsoraarput.

Mittarfeqarnikkullu pigisanik nalilinnik qanoq annertutigisumik aningaasatigut naliliisinnaaneq eqqortumik paasineqartariaqarpoq, kukkunerisuiinermimi politikikkullu suliaqarnermi tunngavigineqartussat eqqortuunissaat pingaartupilussuummat Inuit Ataqatigiinniik oqaatigissavarput.

Inuinnaat kaasarfiinniik akitsuutitigut aallernerujussuaq annertusiartorpoq, peqatigisaanillu akit assiinninnerujussuat ilaatigut sinerissami inukitsuni najugalinnut artornartumik sunniuteqartoq aningaasatigut aallerfigineqartut isiginngitsuusaarneqarsinnaanngilaq.

Ulluinnarni inuussutissat sumiiffini tamani assigiinngitsorujussuarmik akeqartitsinikkut aammalu nukissiuuteqarnikkut angallannikkullu inuinnarnut pissakinnernullu eqquinerluttoq tusartuarparput. Pineqartunullu sullissinerusinnaalluaraluartugut sinneqartoorternerup takutippaa.

Tamakkuupput naatsorsuutit akuersissutigineqassappata pingaarluinnartut aappassaaneernissap tungaanut apeqqutinut ilaasussat, ataatsimiititaliamilu sukumiisumik qulaajarneqartariaqartutut.